



## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

Quòd nullus episcopus extra suam prouinciam ad iudicium inuitetur. clxx.

**urn:nbn:de:hbz:466:1-10722**

tamen eorumque successoribus nouimus constitutum, criminationes aduersus doctores non debere suscipi, nec peregrina iudicia fieri, neque quenquam alterius iudicis, quam sui sententia debere constringi.

*Vt aduersus doctorem accusationes nemo suscipiat. Cap. CLXVI.*

*Ex cõcil. Spalensi, cap. 3.* **A**ccusationes aduersus doctorem nemo suscipiat: quia non potest humano condemnari examine, quem Deus suo iudicio reseruauit.

*Ex epist. Felicis papæ Aegyptiorum episcopis missa, cap. 1.* *Vt nemo episcopum apud seculares accuset. Cap. CLXVII.*

**V**T nemo episcopum penes seculares arbitros accuset, sed apud summos primates.

*De episcopis in iudicium seculare non vocandis. Cap. CLXVIII.*

*Ex episto. Bonifacii papæ ad episcop. Gallia.* **N**ullus episcopus, neque pro ciuili, neque pro criminali causa, apud quemuis iudicem, siue ciuilem. siue militare, producat, vel exhibeat. Magistratus enim qui hoc iubere ausus fuerit, amissione cinguli condemnatione plectetur.

*Vt non accusetur episcopus à criminosis. Cap. CLXIX.*

*Ex episto. Felicis papæ supra dictis episcopis missa, ca. 18.* **Q**uoties episcopus super certis accusatur criminibus, si tales fuerint accusatores qui iustè & canonicè recipi debeant, synodo legitima in suo tempore congregata, ab omnibus canonicè audiatur qui sunt in prouincia episcopis. Quòd si legitimi non fuerint accusatores, non fatigetur episcopus: quia sacerdotes ad sacrificandum vocari debent, non ad litigandum: nec illi qui throni Dei vocantur, prauorum hominum insidiis debent turbari, sed liberè Christo famulari.

*Quòd nullus episcopus extra suam prouinciam ad iudicium inuuetur. Cap. CLXX.*

*Ex decre. Iulii papæ, Oriëntali. epif. missis, cap. 18.* **N**ullus episcopus extra suam prouinciã ad iudicium deuocetur: sed vocato eo canonicè in loco cõgruo, tempore synodali, ab omnibus comprouincialibus episcopis audiatur: quia concordem super eum canonicamque debent proferre sententiam: quia si hoc minoribus, tam

clericis, quàm laicis concessum est, quantò magis de Episcopis seruari còuenit? Nam si ipse metropolitanum, aut iudices suspectos habuerit, aut infestos senserit, apud primatem dioceseos, aut apud Romanæ sedis pontificè iudicetur.

*De accusatoribus & testibus Episcoporum.*

*Cap. CLXXI.*

**O**MNES ergo qui in recta fide suspecti sunt, in accusationem sacerdotum, & eorum super quorum fide non hæsitatur, minimè recipiãtur, & in testimonio dubij habeantur. Infirmari ergo oportet eorum vocem, de quorum fide dubitatur: nec eis omnino est credendum, qui rectam fidem ignorant. Quærendum ergo est in iudicio, cuius sit conuersationis ac fidei is qui accusat, & is qui accusatur, quoniam hi qui non sunt rectæ conuersationis ac fidei, & quorum vita est accusabilis, non permittendi sunt eos accusare: & quorum fides, vita, & libertas nescitur, & viles personæ in eorum non recipiantur accusatione. Rimanæ verò sunt accusatorum enucleatim personæ, quæ sine scripto difficilè, per scriptum autem nunquam recipiantur: quia per scripturam nullus accusari potest: sed propria voce & præsentate eo, què accusare voluerit, suam quisque agat accusationem, nec, absente eo què accusare voluerit, quisquã accusator credatur. Similiter testes per quacunque scripturam testimonium nõ dicant, nec de aliis causis vel negociis testimonium dicant, nisi de his, quæ sub præsentate eorũ acta esse noscuntur. Accusatoris verò con sanguinei aduersus eos testimonium, nec dicant, nec eorum familiares, vel de domibus eorum prodeuntes: sed si voluerint, & in inuicem consenserint, inter se parentes testificentur, & non in alios: nec accusatores vel testes suspecti recipiantur: quia propinquitatis & familiaritatis ac dominationis affectio veritatem impedire solet.

*De eadem re.*

*Cap. CLXXII.*

**A**ccusatores autem episcoporum & testes, super quibus rogastis, absque vlla infamia, aut suspitione, vel manifesta macula & vera fide pleniter instructi esse debent: & tales quales ad sacerdotium eligere diuina iubet authoritas. Quoniam sacerdotes, vt antiquorũ tradit au-

*Ex decr.  
Calist. pæ  
pæ episco  
pis p Gal  
liam con-  
stitutis,  
cap. 17.*

*Ex decr.  
Damasi  
pape Ste  
phano &  
vniuersis*

E